

**UDRUŽENJE GRAĐANA SPORTSKIH
RIBOLOVACA «BISTRO» ZENICA
ZENICA**



P O S L O V N I K

O RADU UPRAVNOG ODBORA U.G.S.R. "BISTRO" ZENICA

ZENICA, 12. 02. 2009. GODINA

Na osnovu člana 18. Zakona o udruživanju građana ("Službene novine FBiH br. 45 / 02), Upravni odbor Udruženja građana sportskih ribolovaca "Bistro" Zenica na svojoj III sjednici održanoj dana 12.02.2009. godine donosi:

P O S L O V N I K

O RADU UPRAVNOG ODBORA U.G.S.R. "BISTRO" ZENICA

ODREDBE POSLOVNIKA

Član 1.

Ovim Poslovnikom se utvrđuje način rada Upravnog odbora(u daljem tekstu U.O.) Udruženja građana sportskih ribolovaca "Bistro" Zenica (u daljem tekstu U.G.S.R. "Bistro" Zenica).

Član 2.

Odredbe ovog Poslovnika primjenjuju se na sve učesnike u radu Upravnog odbora.

Član 3.

Članovi Upravnog odbora imaju pravo i dužnost da prisustvuju sjednicama U.O., da aktivno učestvuju u njegovom radu, daju prijedloge i primjedbe na sva pitanja koja se nalaze na dnevnom redu i da o njima odlučuju.

Član 4.

Rad U.O. je javan. Na sjednicama U.O. mogu prisustvovati samo članovi U.O. i eventualno pozvani gosti od strane U.O.. Pozvani gosti koji prisustvuju na sjednicama U.O. imaju pravo učešća u radu, ali bez prava odlučivanja.

Član 5.

Radom U.O. rukovodi predsjednik U.O. koji se stara o radu U.O. u skladu sa ovim Poslovníkom. U odsutnosti predsjednika U.O. radom sjednice U.O. u skladu sa ovim Poslovníkom rukovodi zamjenik predsjednika U.O..

Član 6.

Pripreme za održavanje sjednika U.O. vrši sekretar udruženja na bazi podataka koje dobije od predsjednika Upravnog odbora.

Član 7.

Predsjednik U.O. zakazuje sjednicu U.O. najmanje jednom mjesečno, a shodno ukazanim potrebama i više puta u toku mjeseca.

Član 8.

U pripremi za održavanje sjednice spada:

- Utvrđivanje datuma, vremena i mjesta održavanja sjednice;
- Prijedlog dnevnog reda za sjednicu U.O.;
- Priprema materijala za sjednicu.

Član 9.

Poziv i materijal koji će se razmatrati na sjednici U.O. dostavlja se članovima U.O. pismeno ili na drugi pogodan način (telefonom, faxom, usmenim obavještenjem i sl.). Obavještenje za sjednicu članovima U.O. se dostavlja najkasnije 3 (tri) dana prije početka sjednice. Za blagovremeno upućivanje poziva odgovoran je sekretar udruženja.

Član 10.

Sve odluke U.O. su punovažne ukoliko na sjednici U.O. prisustvuje preko 50 % članova U.O. i ako za svaku odluku glasa preko 50 % prisutnih članova U.O.. Upravni odbor ima kvorum ukoliko na sjednici prisustvuje najmanje 6 (šest) članova U.O..

Član 11.

Metod rada, tok sjednice, vrijeme diskusije, ograničenje u diskusiji, način glasanja (dizanjem ruke ili na drugi način) za svaku sjednicu određuje predsjednik U.O..

Član 12.

Ako se po pojedinim pitanjima nemože donijeti odluka iz bilo kojih razloga, rješavanje tog pitanja prosljeđuje se predsjedniku Skupštine U.G.S.R. "Bistro" Zenica. Odluka Skupštine je po ovom pitanju konačna i U.O. nema pravo da je ponovo mijenja.

Član 13.

U slučaju hitnih ili vanrednih mjera odluke o pojedinim pitanjima može samostalno da donese predsjednik U.O. bez potrebne saglasnosti ostalih članova U.O., ali je dužan da na slijedećoj sjednici o tome obavijesti U.O. da se donese odluka.

Član 14.

Svaka odluka U.O. koja je donesena na sjednici mora biti u pismenoj formi i objavljena na oglasnoj ploči, a za izuzetno važne odluke koje se tiču svakog člana udruženja objavljuju se preko sredstava javnog informisanja (elektronski ili printani mediji).

Član 15.

Odluke koje donosi Skupština, a realizuje U.O. ne smiju se mijenjati od strane U.O..

Član 16.

Predsjednik U.O. je naredbodavac u odnosu na sredstva kojim raspolaže udruženje uključujući odobreni finansijski plan za tekuću godinu od strane Skupštine udruženja.

Član 17.

Članovi U.O. su obavezni da prisustvuju na sjednicama U.O.. Neopravdana 3 (tri) prisustva sjednici U.O. automatski povlače brisanje iz članstva U.O. i biranje novog člana U.O.. Novog člana U.O. imenuje Skupština udruženja.

Član 18.

Upravni odbor je za svoj rad odgovoran Skupštini udruženja.

Član 19.

Predsjednik udruženja zastupa i predstavlja udruženje, a za svoj rad je odgovoran Skupštini i Upravnom odboru udruženja.

Član 20.

Svaki član U.O. uključujući i predsjednika U.O. može samostalno dati ostavku na članstvo i funkciju u U.O.. Ostavka se najavljuje u pismenoj formi U.O. udruženja.

Član 21.

Ostavka nije pravosnažna sve do dana donošenja pismene odluke o ostavci od strane U.O. udruženja.

Član 22.

Predsjednik Skupštine dolazi na sjednice U.O. po potrebi i zahtjevu predsjednika U.O., shodno dnevnom redu.

Član 23.

Ovaj Poslovnik stupa na snagu danom usvajanja na sjednici U.O. U.G.S.R. "Bistro" Zenica, a sa istim će biti upoznata Skupština udruženja.

Član 24.

Stupanjem na snagu ovog Poslovnika akte donesene na sjednici U.O. potpisuje predsjednik U.O., odnosno dopredsjednik U.O. ukoliko je u odsutnosti predsjednika rukovodio radom sjednice U.O..



Zenica, 12.02.2009. godine

UPRAVNI ODBOR

Predsjednik Upravnog odbora